



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Conciliabvlvm Aragoniae Avctoritate Benedicti Antipapae Et
Psevdopontificis, quem vulgo XIII. nominant, celebratum anno Domini
MCCCCIX.

urn:nbn:de:hbz:466:1-15653

CONCILIABVLVM ARAGONIÆ ANNO
AVCTORITATE BENEDICTI ANTIPAPÆ CHRISTI
ET PSEVDOPONTIFICIS, 1409
quem vulgo XIII. nominant, celebratum
anno Domini MCCCIX.

N O T A.

Acta Con-
cilio.

* *Concilium.*] Acta Concilii Theodoricus a Niem lib. 3. schismatis, cap. 36. & 37. describit his verbis: *Prefatus vero Petrus de Luna in ipso regno Aragonia tunc temporis aliud Conciliabulum, in quo erant quamplures episcopi, abbates, & alii ecclesiastici pralati de Hispania, Cathalonia, & quibusdam adiacentibus prouinciis de ipsius obedientia, celebrabat. In quo quidem Conciliabulo per eundem Petrum facta, in diuersis sessionibus dicti episcopi, & alii sui pralati qui illuc conuenerant, consuluerunt finaliter in hæc verba.*

Sententia
anticardi-
narium &
schismati-
corum.

Sanctissime ac beatissime pater, hoc sacrum Concilium ad id quod in vltima sessione per vestram sanctitatem primo loco propositum fuit, humiliter & deuote respondit, quod consideratis & diligenter attentis his, quæ pro seruitio Dei & vnione sanctæ matris ecclesiæ, & salute omnium fidelium, vestra sanctitas obtulit, acceptauit & profecuta fuit, non parcendo laboribus, periculis & expensis; consideratis etiam iniuriis, oppressionibus, turbationibus & impedimentis, quæ nobis aliquorum præsumptione ingesta sunt, nec non variationibus, cauillationibus, refutationibus ac inconstantia intrusi moderni & suorum prædecessorum: consideratis etiam professionibus & protestationibus per vestram sanctitatem hoc sacro Concilio & alias factis, quas reputat sufficientes; quæ omnia aperte liquent ex lectione gestorum a tempore assumptionis vestræ sanctitatis ad apostolatus apicem vsq; ad tempus præsens: pro quibus omnibus sanctitas vestra & hoc meritum apud Deum, & perpetuum apud homines præconium reportare meretur: ipsum sacrum Concilium, matura deliberatione super his habita, puro corde & sincera intentione credit, tenet & reputat vos fidelem, Christianum atque catholicum ac verum Christi vicarium, nec credit, nec reputat vos, pater sancte, esse vel fuisse schismaticum vel hæreticum, nec macula seu fautoria schismatis seu hære-

ANNO
CHRISTI
1409.

sis irretitum, & quanto humiliter potest, hoc sacrum Concilium vestræ sanctitati gratias agit pro promissis ex cordis intimis, seipsum deuote offerens ad vestræ sanctitatis obsequia, Deum suppliciter exorans, vt sanctitatem vestram in hoc sacro vnionis negotio dirigere dignetur ad ipsius laudem & gloriam, totiusque populi Christiani pacem & quietem. Sanctissime ac beatissime pater, hoc sacrum generale Concilium supplicat & consulit humiliter & deuote sanctitatem vestram, primo, quod non obstantibus quibuscumque persecutionibus & impedimentis vobis datis, dignemini propter Deum & bonum Christianitatis profequi efficaciter sanctum vnionis sanctæ matris ecclesiæ per viam renuntiationis * omnibus aliis viis prætermittendo, nulla tamen alia via exclusa. Item supplicat & consulit præfatum Concilium sanctitatem vestram, quatenus oblationem per sanctitatem vestram factam intruso de renuntiatione, in casu renuntiationis vel mortis dignemini extendere ad casum deiectionis eiusdem intrusi, si fiat secundum fidem & obedientiam partis suæ, & etiam effectualiter de facto. Item supplicat & consulit præfatum sacrum Concilium sanctitatem vestram pro celebri & debita conclusione præmissorum obtinenda, dignemini certos nuntios, probos viros, Deum timentes, ad hoc idoneos, nomine & pro parte sanctitatis vestræ & vestri collegii ac totius sacri Concilii, mittere ad intrusum & suos anticardinales cum ipso Pisis & alibi degentes, nec non ad illos dominos cardinales Pisis existentes, & ad illos qui in hoc sancto vnionis negotio proficere potuerunt, cum plena ac libera & sufficienti potestate tractandi concordiam, firmandi & obligandi omnia & singula necessaria & vtilia seu opportuna ad præmissa, & prout eis videbitur tempus breue & congruum, & locum idoneum & securum, ac de securitatibus & libertatibus in eundo, stando & redeundo, recipiendi, concordandi & obligandi, in quo sanctitas vestra illa omnia quæ concordata & firmata fuerint per ipsos, efficaciter exequatur personaliter: vel si personaliter ire noluerit, vel infirmitate corporali impedita fuerit, per alium seu alios habentes plenariam & liberam potestatem ad omnia quæ sanctitas vestra facere possit, vsque ad renuntiationem inclusiue. Item supplicat & consulit præfatum sacrum

Concil. Tom. 29.

Aa ij

Concilium sanctitatem vestram, quatenus dignemini formam procuratorii in prædictis casibus faciendi, mandandi, ordinandi, pleniori & meliori modo quo fieri & ordinari poterit. Item supplicat & consulit præfatum sacrum Concilium, quatenus dignemini tales constitutiones facere & prouisiones adhibere, quod si non ante obtentam vnionem (quod absit) contingeret sanctitatem vestram ab hac vita ad aliam euocari, possit ad vnionem debite & canonicè procedi taliter, quod post obitum sanctitatis vestræ propter defectum prouisionis non differretur seu impediretur vnio, aut non, quod absit, scandala vel subschismata suscitarentur, dignetur sanctitas vestra per debitas constitutiones seu remedia prohibere & prouidere, ne ad similia perpetranda procedatur, sub pœnis decretis & prohibitionibus ad hoc necessariis & opportunis. Subscripta schedula fuit per Concilium oblata domino nostro, & per eum benigne & simpliciter acceptata, causa acceptationis & contentationis de acceptatione factum fuit instrumentum publicum, manu domini nostri & omnium de Concilio subscriptum.

Hactenus Conciliabulum Benedicti, cuius etiã meminit Gobelinus c. 89.

CONCILIVM PISANVM
VNIVERSALE, QVOD AD TOLLENDVM
schisma indictum, Gregorio pontifice & Benedicto
pseudopapa depositis, Alexandro V. consensu cardinalium
vtriusque obedientiæ electo, celebratum fuit
anno Domini MCCCIX.

Copia literæ conuocationis Concilii Pisani, quæ dirigitur domino
Benedicto XIII.

*Sanctissimo domino nostro Benedicto XIII. miseratione diuina
summo pontifici, Deo humiles & deuoti oratores, episcopi, presbyteri &
diaconi sanctæ Romanæ ecclesiæ cardinales, nunc in Liburno
Pisanæ diœcesis existentes, pro nobis & aliis reuerendissimis
patribus dominis cardinalibus pro nunc absentibus, nobis
adhærentibus & adhærere volentibus in hac parte, cum supplicii
& deuota recommendatione vtriusque hominis sospitatem.*

QVALITER hoc schisma pestiferum totius corporis ecclesiæ infectiuum, vnitatem lacerans & eneruans cari-